

price 3 cents.

A dialogue between two  
Friends





英華書訓錄

裴欽兩丈目論

卷十一 平益春正論

✓  
Chang Yuan liang yu hsiang  
tun

道光十一年孟春重鐫

張遠兩友相論

英華書院藏板



張遠兩友相論

第一回

從前有兩個好朋友，一名張，一名遠。他們兩個人同行路間，相論古今。遠曰：我已聽人說尊駕曾經受了耶穌之道理，而信從之。我看世人論說此事多有不同，且我自己不甚明白。今有兩端，欲求尊駕解之。張曰：豈敢？相公智深才盛，如何倒來求於愚弟乎？但既是相公自所願，則弟應當盡心遵命，請相公說那兩

端出來。遠對曰：好說了。第一信耶穌者，是何樣人？第二信耶穌者，日日之行如何？煩尊駕解這兩端。張曰：真信向耶穌者，比世人畧不同。遠問曰：有何不同？對曰：他所食的飯、所居的屋、所穿的衣、所行的工、所守的人倫等，大概都與世人的相同。在這各樣未有什麼不同，但其心行二者，比世人大不同。遠曰：其心行果若何？張曰：看下幾件，方知其心行如何。第一，其敬止一真神，而日日拜之，其不敢不如此。遠



曰我看世人多亦敬神則何說信者比世人不同呢。  
張對曰世人所敬的各神類不過係自己手所作無  
用無能的偶像而已。這是假神不是真神。又這假神  
係無數的惟其真神止一可見信者比世人不同。遠  
曰這麼講果是不同了。只怕尊駕若言各神係假而  
無能的則人家不歡喜恐怕有人說尊駕無禮。張曰  
我知道世人不中意聽這個話。從前我自己亦不中  
意聽之。但是因爲我那時不多明白後來更明白些。

方知這話果實在的，絲毫不錯。且因我已改了，從真不從假，所以多有人毀謗我，說我這樣那樣不好，但我自己心內有平安，故不怕人之說也。遠曰：我自己亦聽得人家講及尊駕幾句，我本心亦有疑。今幸得這便機會，當面聽尊駕自講，是心願久矣。張曰：豈敢。我從前多與世人往來，而與他們同從假神，去飲酒，行姪，說謊，哄人等事。那時伊不毀謗我，不說我不好，但我一改了舊樣，敬事止一真神，就有許多人欺戲。



我、說我這樣那樣惡，就是本家裡，亦有人暗說我云，  
既已棄了祖先所役各神，是我不孝。然我本心知不  
是因我不孝，實是因世人不知其真神，而從假的，所  
以欺我也。遠曰：欲尊駕推講些，請問真神若何？張曰：  
真神者，天地萬物之原本，是也。其爲全能、至智、至恩、  
至義、至聖、至憐。遠曰：啊，真神莫非與個天字同解麼？  
對曰：不同也。遠曰：有何不同？張將手指向棹子，說道：  
相公看這一張棹子，是木匠所做的，則棹子豈是與

木匠相同乎。對曰：自然不同。張曰：而神與天亦然。天是神所造之物，而神爲其工人，是也。遠曰：我明白，只常聽人說個天字，是甚緣故。張曰：多有人亂亂說天地兩個字一連，又有的用個天字以指神，如人用朝廷以指皇上一般。遠大奇之，追思良久，就問曰：真神是管天地麼。張答曰：然也。其爲天地人物之主宰，且萬國之人所應該敬者，獨是止一真神，蓋賜萬好與世人者，真神是也。遠又問曰：其真神有別名，沒有。張



曰有。或曰神。或曰主。或曰神主。或曰神天。或曰天地之大主。或曰一個天字。亦皆有。而總皆指着止一真神。此是信耶穌者所敬之神也。

## 第二回

張又曰。今且講第二件。信耶穌者。皆知自己的惡處。皆悔罪。改惡歸善。比如他向來行過惡。或是役偶像。或是好酒。或是姦淫。或是說謊。或是做賊。或是兇殺。或是邪術。或是高己卑人。或是結仇。或是謀叛。作亂。

等惡都是他們所必須改，不肯改者，不真信也。遠曰：這自然是好，但我世人恐怕難得如此。張曰：果是難，因為我世人心是惡的，不是善的，最緊要是知自己的惡。蓋不深覺己罪，則不能悔改。我心內若因得罪神，實覺痛痛的悶，我一定就改。遠曰：這樣則令人心不安，不樂，恐怕多人不中意如此之悔改。張曰：悔改是安樂之開頭。比如前年我左手臂發惡瘡，我叫醫生來看時，醫生說道：此瘡根深也。當刺開之，使膿流



出來就得痊。不然怕壞了手臂。我是怕痛，久不肯聽。一日醫生苦苦勸我說道：你怕痛麼？我曰：甚怕。對曰：汝再三想，若刺開瘡，則不過受幾個時辰的苦。不刺開，則怕不止失手臂，就是生命亦難保存。汝細思之，何一爲好？受暫時苦爲好，還丟生命爲好呢？我聽醫生言，則大驚。一連兩日夜，食飲睡皆不得。心又想：早死是難，何不快受暫苦，以長生命乎？於第三日早天將曉時，我打發小童去求醫生。醫生遂來刺開瘡，而

不上半月，手臂痊了，而悔改亦然。我世人個個大得罪了神主，而該當受生前死後之苦。然神主有大恩，可憐世人，遣耶穌從天降地，代贖我罪。神主又令我悔改，致受罪之赦。不悔改，則不免地獄之永苦。我請相公想一想，悔改暫憂，與死後地獄之永苦相比，何一爲難乎？遠曰：地獄之永苦，自然難。張曰：悔改是人道之要路。欲得常生在天上者，須從此道而入也。天地之大主，于聖書上，令我世界萬國之人，悔改云：惡



者宜棄其惡事、不義者宜棄其不義事、而俱歸神主。  
蓋神主必將恤憐他、又大施赦罪之恩與他也。信耶  
穌者、皆是聽此言、致悔改也。後月課講

張遠方木言

六



張遠兩友相論

第三回

張遠二人再相會，遠曰：尊駕前番解悔改之理，我略明白。但尊駕說信耶穌三個字，我不知何意，請教。張對曰：不當，不當。前已解了第一、第二件，信耶穌是第三件，今且解之。先講耶穌兩字，然後講信一個字之意。對曰：多蒙請問。耶穌兩個字何意，莫非人名乎？張曰：然也。神子之稱是也。對曰：神之子誰耶？張曰：真神

止一但在其體有三位曰父曰子曰聖神風此三位  
非三個神乃止一全能神第二位曰神之子是也對  
曰神之子爲何稱耶穌張曰耶穌是西邦字之音而  
援救之意因神之子來救世人故名遠曰神之子是  
世上一人麼對曰神子比人類更尊萬人萬物皆在  
其手下也遠曰啊莫非是個大聖賢麼張曰萬聖賢  
之首而比聖賢尤尊是也遠曰比聖賢尤尊何謂耶  
答曰講人講教講功方知其比之更尊以人而言之



則聖賢雖比凡人更能幹，亦不過是世人，而耶穌却與神主爲一也。以教而言之，則聖賢所教人之道理，都盡在五常五倫，故雖是好，而亦不足爲世人之教。蓋還有多端重理，伊未講得到，而耶穌所教皆齊備，一端亦不缺也。人該行向神主，向自己，向世人，向親友，向仇敵，向尊上，又向貧賤，都講得到，又不止教修身齊家治國之理，乃又教去罪救靈，而得永福之理也。聖賢所教之道，大概屬今世眼前之事，未講到死

後之事。像贖罪之理。復活之理。審世之理。永福永禍之理。皆未曾講之。故似不足也。且聖賢所教之真理。耶穌亦教之。而伊等未講得到之各件。其亦盡講之也。以功而言之。則聖賢以其道而訓其本國人。以其德而導之。但未曾代人受難。未曾捨自己之生命以救人。而耶穌却不止以教而訓人。不止以德而導人。乃又代萬萬人受難。又捨自己生命以救人之靈魂。又受苦死。以免我罪人受地獄之永苦。此苦我世人



自己該受。而耶穌自甘心代我而受。因大愛憐我。故也。且聖賢未行何出人力外之功。像使瞎者見。聾者聽。病者痊。死者活等。皆聖賢不能爲。而耶穌却屢次爲之。且耶穌行此出人力外之事。亦非暗中而行之。乃于大衆之眼前而行之。非以法術而行之。乃以神之大能而行之。非爲積財取好名而行之。乃爲醫人益人而行之。非欲使人奇駭而行之。乃欲使人明知其實爲救世者。可見耶穌比萬人類更尊貴也。○遠

曰如此講自然勝人類遠矣。我心願明曉此理。但向未得如此詳細之解。今甚蒙尊駕之教。張曰相公固願明曉此理。然非人力所能使汝明白。獨神主之聖神能令你明白。我求相公回家時。到靜處跪下拜神主。求神主光照你心腸。方能明白。遠曰奉教奉教。回舍下時。則如是行就是了。但既已解明耶穌兩個字。再求尊駕解信字之意。張曰信者人受神恩而信。是也。神主之大慈悲大恩惠。以耶穌之贖罪而顯著與。



我世人。蓋我們皆犯了神主之法。而自己當受罪。惟神大施恩與我們。遣耶穌來代我們當此難。又神在聖書上明示我知凡人實知自罪。又知自己無義。無功勞。又心信耶穌能救他。且不依靠自己。不依靠何人。乃獨依靠耶穌。欲得靈魂之救。及永福者。必得救。不致受敗于地獄中。如此行者是信耶穌也。遠曰。不知人自能信。不能信。答曰。人仗自力不能信。要聖神使信生于我心中。方能信也。遠曰。信耶穌者是何益。

張曰其益大也。一則其人之罪必見赦，不拘大小暗  
現之罪，皆神所免。二則其人心被聖神風所感化，致  
使其心爲潔淨，又使惡念滅，善念生。三則受世上艱  
難時，聖神風是安慰其心，又在至苦難之中，而屢令  
他大喜。四則其靈魂得救，不落地獄，乃受無盡之福  
于天堂。不肯信者，落地獄。那時信者之靈魂，卽升天  
堂。世人之福，到死日就完了。信者之福，却不窮至世  
世。此是信耶穌者之大益也。

後月  
續講



張遠兩友相論

第四回

張遠復相會，而敘禮奉茶畢，二人對坐。遠曰：「前番蒙尊駕解信耶穌三個字，今不知又有何教否？」張曰：「豈敢相好朋友？你我相講就是了。古人說的好，道理是無窮無盡，講到死亦講不完。前幾次已說，信耶穌者皆敬止一真神主，皆悔罪，又皆信從耶穌，還有一件，信者皆以天之情爲重，而不畱心於地之情，蓋因地

之情不過暫時而存，天之情却永遠而存，故也。遠曰：請教天之情何解？張曰：天之情者有二。善人死後所得天堂之滿福，無窮盡至世世一也。善人生前所得神主之恩寵，本心之安樂，與凡所需使其靈爲聖潔，二也。此是把今生來生並合爲一，得其前者亦必得其後，不得其前者亦必不得其後也。來生是繼今生。汝今生尊神主，則來生必有福；汝今生不遵神主，則來生必無福也。遠曰：地之情何謂耶？對曰：地之情者



名利權勢等也。遠曰：我看世人都以地之情爲重，只要飽煖安而已。天之情却不以之爲念，恐不着罷。張曰：自然不着，蓋如此是把人爲禽獸，蓋那禽獸亦喜眼前的事。飽煖安等，難道我的犬不以此三樣爲重麼？遠曰：不錯，但地之情爲現在的，眼能看之，耳能聽之，嘴能嘗之，手能拊之，而天之情爲後來的，眼不看之，耳不聽之，嘴不嘗之，手不拊之，因而世人以地情爲重。張對曰：人多如是，但不想現在的事不能久存。

爲略遠而已未曾看之好處而勞且伊所願各好未必得之雖得之亦不能久存因是地之情故也這些人在屬地而更輕之事雖略遠尙且肯勤工不息而望得何況在那屬天而更重之事雖遠豈不更要勞而望得乎天之情比地之情却不同凡實心求之不論貴賤壯弱老幼者皆定得之得之亦存至世世因而信耶穌者皆以天之情爲重也可見人不以天之情爲念非但因其爲遠正因心爲惡而不愛個聖福



也。遠曰：不錯。古者曾言：善人死，其子孫接繼其福，不絕于後代，莫不與尊駕之意相合乎。張曰：略不同。蓋善人未必皆有子孫，而雖有子孫，亦未必子孫皆有福。且古者言子孫之福，不過指富貴之類，正與今人所求之福相似。絲毫亦不勝之。富貴之爲福，不能足人心，不能加其德，又不能久存。此古者言善人子孫恆產之所謂也。我今言之福，勝於伊所言之福，如人勝於蟲，如天勝於地，如靈魂勝於骨肉焉。我今言之

福是人死後靈魂所享于天堂也。遠曰：我屢次聽人言人死靈卽消散。若果消散，則如何享得永常之福乎？張曰：我也屢聽此言，但是大錯了。蓋人靈永不消，永不散，永不沒。身死了，靈恆活至，世世不滅，所以能享常永之福也。遠曰：我素聞人言靈身二者相屬，相靠。靈在，則身存；靈不在，則身亡。又身活，則靈存；身死，則靈亦亡。看此與尊駕之言不相似。張曰：大不相似。蓋若身死時靈亦亡，則人何貴於禽獸之有哉？而怎



能說人爲萬物之靈乎。且若身死時靈亦亡，則因何人常去山墳拜祖先乎。這拜祭死人一定不好，但以人年年如此行，可知人口雖言靈已亡，而其心却估之還存，蓋若不以祖先之靈爲存，則向誰而獻祭物乎。不講他事，只講此事，則知人人大概都以靈爲存，不以之爲亡也。且人人都本自然而願得個常久之福，不是常久之福，則不能滿人心之本願。夫今世之福不常久，又不能滿人心之本願，而今世旣無常久，

且無能滿人心。本願之福，則知來世定有之。不然，則人豈非妄生乎？汝看那禽獸，他的諸願在世素得滿，而獨人之願常不能滿，是何故？定是因今世是不滿福之所。人於來生有常久之滿福。若果有此福，而人死之日，屍下土，身不能享，則必是靈享之。此是靈常存不散，不亡也。遠曰：多蒙指教。今纔略明白。常言人爲萬物之靈，一定有靈常存之意在內。但齊朝武帝時，人范縝云：神之於形，猶利之於刀。未聞刀沒而利



存豈容形亡而神在此話在尊意若何。張曰依我愚見此話大錯。蓋刀沒而利不存此人皆知。然靈神於肉身大不同。身有靈則活無靈則死。此是身靠靈。若刀雖無利而亦可存。此是刀比利更重。蓋雖失其用其形體尚可存。惟靈之於身若無靈則身死形敗。此是靈比身更重也。神之於形不似利之於刀。乃似鳥之於籠。開籠門許鳥出。其卽自飛他處去。而靈亦然。身死則靈飛他處去矣。神之於形又似燭之於燈籠。

燭在內則燈籠有光有用。燭不在內則燈籠無光無用。靈在身則身有生有用。靈不在身則身無生無用。此是靈比身更貴之証也。且靈出于身卽如鳥出籠而可棲別處如燭出燈籠而可安別處此是靈常在之証也。遠曰然但鳥不能常生燭不能長燃豈是相似哉。張曰鳥燭二者有能看能拊之材質而凡有人所能看能拊之材質者皆必至壞惟靈無人能看拊之材質靈是個靈神而靈神不得致壞也。

後月續講



張遠兩友相論

第五回

過九日後，遠晚上往張屋。張屋右邊有一梧桐樹，枝葉茂蔭甚濃。遠到，見張在樹下坐。張卽起迎，兩人敘坐。遠曰：尊駕獨坐于此，何故？張曰：古云，一日不念善，諸惡悉皆生。但日裡事多，又常有人來往，致善念難懷。故晚上坐此靜想。又月明天色甚美，我喜觀之。遠曰：好呀。尊駕曉天文嗎？對曰：頗曉，但我看天因非要

明天文乃因爲天之雲月星等如鏡而明昭著神主之大德蓋天旣如此美妙則造天者神主更何等美妙哉遠聽畢默然良久如心未曾有這樣念者焉乃言我未想到此我一向如鼯鼠住堀內未嘗舉念向天未嘗想着造天地者只想衣食而已可惜之極乃流淚久不出聲張慰曰相公不要太過傷心汝今所言諒必是真我自少時亦常如此近來得知聖書心一明白則省悟如夢醒人又覺得有如早之光照我



見弟摩氏  
第一書第  
一章十五  
節

心內我驚訝，如瞎者初得見然。憶起向來諸罪，猶若昨日行過，又死後地獄之苦，猶若眼前。三夜不睡，飲食不知其味。我不知如何可脫此苦。一日，天尙未明，我起身點燭，看聖書幾篇。有一節云：耶穌降來此世，以救罪人。我眼注在此節，如將溺死者注眼在援他者。我淚如雨下，且憂且喜。看己罪爲無數，則憂。看耶穌之仁愛爲無限，則喜。遂想道：耶穌白天降地，特意救罪人。我是個罪人，故望向他救我。隨卽跪下，懇

求神可憐我，因耶穌救罪者之功勞，救我諸罪也。此  
後我心得安，而至今日不再覺得此世之福樂有味。  
我敢求相公亦讀那書，又望向耶穌得罪之赦，而相  
公之心也得安。遠曰：多蒙了，上次尊駕講解靈魂，我  
略明白，但說及死者復活四字，我不明白，特來請教。  
張曰：不敢。今夜却將深，怕不能講完。後日是望日，料  
月必是光，請相公再過來坐講，好不好？對曰：如此甚  
好。於是兩人遂相拱手而別。

後月再講

張遠兩友相論

第六回

遠既回家，深想張之言，終夜不閉目，且想且哭。到三更就起身，心下道：我今年已二十六歲，自少時總未想此身內有個靈魂，又未曾一次屈膝崇拜天地之主宰。可惜我，一向都如犬馬焉。其又哀泣而在床前跪下，拜神主，懇求云：天地之主宰乎，必明知我這大罪人。我看自己在爾前不比得禽獸，今我心甚亂，疑



狐不能解。不知近來所聽之理。如何該信。不該信。我  
罪惡多於叢林之樹葉。不知如何可免地獄之苦。只  
得求天地之主宰。可憐我。可憐我。照于我這黑夜之  
胸內。使我知此理。果由天而來否。又求除去我諸罪  
如此。則萬死不足報也。此時之前。遠總未祈禱也。遠  
起來。到面盆。洗去淚。梳髮。穿衣。而天明時。往去辦事  
如常。但出人動靜。不能忘記張之言也。  
於望日晚。遠至張家去。近屋前。乃聽得人悄聲。遂輕

輕前步至門，傾耳在鎖封口，細聽。又將眼窺覷在內，乃看見張與妻及三子，又一個女婢，皆膝跪在地，獨張講，而其餘皆默然。遠方知是拜神，想其家內撞着苦事，或有喜事，故不敢進去，恐有妨碍之處。乃遊于梧桐樹下，大奇此事。不一刻，張出來，而見遠已至，曰：「有罪，失迎。」遠曰：「豈敢！特來請教。」張曰：「說那裡話來！坐坐相談，就是了。」遠當晚不敢問張與其家拜神之故，乃言尊駕前所說死者復活何解，請教。張曰：「死者是

生人身死亡復活者，是死人身又生活也。遠想久而曰：我去年開先父的墓，欲洗骨，聚入金確，而存畱之。我意欲盡寸心的孝，開了墓，看見父親之肢體解離，屍骸已化，則不忍看，乃昏絕於地。傍邊兩個舍弟與一個隣人扶我，使坐在墓側草上。他們洗骨時，我坐泣，而想道：前四年，父親眼看我，耳聽我，口教我，手助我，而今其眼安在，却獨畱虛眶。其耳已壞，只畱耳孔。其口舌唇皆成泥土，只畱牙骨。其手足筋絡已無，只



留骨節而已。父親，父親乎。何時再見尊臉，何時又相會呀。至世世不再見啊。舍弟看我如此哀痛，力勸我不要太過傷情，恐衰敗身力，致不能養老母。我聽此言，自勉強略放心。同弟回家。夜夢見父親轉出世，變山羊形，食草在山野。從那時以來，我心不安樂，常想着輪迴。今尊駕講死者復活，我甚愿聽。張曰：死人轉出世成禽獸之形，皆虛話，哄騙愚人。相公不可信之。今所言復活大不同。遠問曰：死者復活果若何。張答

曰你看這蒼天明月光星今晚雖美之至而無可比  
然後來皆必致盡而完於彼時萬死者將復活其塋  
在地塚與其沒在海內者皆然自天地開闢至天地  
窮盡所有萬萬人大小貴賤賢愚無一不復活而各  
人得其本身且相公所言先尊翁之貴體亦必復活  
五官四肢百體雖已經壞了亦必各各得其本當之  
所一骨一筋一肉都不錯也遠聽說及父親又泣且  
問曰但我看屍絲毫已消都變爲泥土則不知如何

能復活。張曰：我世人之見識有限，日日在眼前，屬地的事物，多有難盡知，何況眼未見屬天之事物乎？像前日，我小兒看我放一個美花瓶在貯盛盤上來，曰：爸爸好看。在那裡得這個好東西？我手攜他出外，而將起一塊坭，叫他看，說道：那個美花瓶本來是坭，同這塊一樣。他說：啊，等我做一個，其遂將坭在手弄來弄去。我復入屋，不管他。過了半個時辰，他來說：做不得。我說：你不會呀。陶人亞平會做。小兒亦難信。夫我



世人多如此兒。人力所能做，伊信之；人力所不能做，伊不信之。却不想在人難行之事，在神主容易。使死者復活，果是出人力外，人不能行。然在人類之上，全能神主，無不容易行之。遠又問曰：復活是怎麼樣？是每代有人復活，還是萬人同一時候而復活呢？張曰：萬人同一個時候而復活也。遠曰：死者復活，其身與現在之身相同麼？張曰：同而不同。但今夜已深，不能明解。等第二會再說罷。兩友遂相別而去。

後月再講

張遠兩友相論

第七回

後四日，遠請張與另幾友食宴，席散後，遠強畱張說道：「多蒙尊駕不棄我請，弟實不當。今敢屈尊駕再坐一坐，略推講那晚上所說復活之理，開我茅塞。」張曰：「豈敢！請相公若有疑，則說出來，某當盡心解之。」遠曰：「上會所說復活者之身，比現在之身，同而不同，是何解？」張曰：「說其質樣，則同。至說其情，能則不同。人於復

活時之身質必如今所有之身質然此是質同又其  
亦必有四肢五官百體經絡等皆齊如今所有之身  
然此是樣同將來復活身之質樣與現在身之質樣  
相同。比如人播何樣種于田生起來則見所生與前  
所播同一質同一樣而於復活人之身一然此復活  
身與現在身相同之謂也。遠曰其情能呢。對曰人現  
在之身會病會倦會傷會壞會老會死而人復活之  
身不會病不會倦不會傷不會壞不會老不會死人



見保羅與  
可林多輩  
書第十五  
章四十二  
三節

現在之身是賤的，弱的，又屢次以病傷而醜且臭的，  
而人復活之身必貴榮，大能，且全美好看，此人之復  
活身與現在身不同之謂也。遠問曰：於復活，惡者之  
身與善者的，同一樣美麼？張曰：大不同。惡者之身必  
無貴，無榮，無好看之處。但惡者之身亦必有力，蓋神  
將堅之以受多苦，亦必不致再死，蓋神將存之以受  
常苦也。遠曰：復活者是再飲食，做工，買賣，嫁娶，像現  
在的，還是怎樣呢？張曰：飲食，做工，買賣，嫁娶之類，都

屬今世。到復活皆無也。彼時善者皆不勞力，不嫁娶，乃正如天上之神使輩然。惡者獨常受苦，如地獄之惡鬼輩而已。遠曰：然則復活有何意？張曰：其意是使萬人之靈各與其本身又相合，致各善者在其本身而受賞，其今所用事神主行善的身必得安，而不是別身。又致各惡者在其本身而受罰，其今所用事魔鬼行惡的身必受苦，而不是別身也。求相公細思之。遠曰：奉教今晚不敢煩尊駕多講。兩人遂相別。

後月繼講

見馬賓書  
第六章

張遠兩友相論

第八回

到元宵節晚上，遠往張家而近屋，仍聽人聲，似前會一般，但聲出屋左邊一小房裡來。遠乃步至房前，從一眼小藤窓向內窺看，見張獨坐几上，燈前看書，看畢一篇，放書在架上而跪下，自言自語。遠不能聽得出，料是拜神，所以離屋往梧桐樹坐下，待張出來。坐間，遠心內想道：我前一次來這裡，見他同家人跪下。



祈禱今晚見他獨在跪下祈禱，又兩次連神臺香燭等皆不曾見，此人甚可異也。不上半刻，張自出來，見遠在樹下坐，說道：「契友已來此，而弟未迎，實是失禮，求相恕罷。」對曰：「說那裡話，我剛纔方到。」張曰：「今晚元宵，我想相公或有請朋友，或被人請，或同朋友遊玩，不料竟來舍下。」遠曰：「昔我亦常與幾友玩耍過此節，或點燈，或結綵，或舞龍燈，或燒花炮等事，但自近來蒙先生之教，無喜于這樣情事，看來都是費時費錢。」

而已。張曰：不錯，我亦看是如此。遠曰：我有一件要問尊駕，求尊駕恕我無禮。對曰：好話，請說出來。遠曰：我往日晚來府上門前，得見尊駕與夫人、少爺、千金等皆跪下祈禱，又今晚再見尊駕于那小房獨在祈禱，不知何意，請教。張曰：此都我世人所應當行之事，蓋在上天神主爲我人類之大父，其常賜萬好與我們，而我們該行孝與他也。夫真孝有二分：敬父母一分，順父母一分。敬亦有二分：內一，外一，而在此亦然。外

敬者內敬之証，有其外而無其內者，假也。有其內而無其外者，缺也。夫我或與家人，或獨在祈禱，並欲敬神主之意。遠曰：啊，我前來此是十五日，今亦十五日。我常聽說君子的人，每月初一十五定要拜祖先，與各神，諒必先生亦是如此。張曰：不然。我所拜者，獨造天地之神主而已。遠曰：拜神還是初一及十五拜，還是一年中，有拜多少呢？張曰：我看祈禱神，比飲食更為重，一日亦少不得。我早晚與家人拜，又凡有閒時。



獨在拜。遠曰：要兩樣拜麼？對曰：兩樣有益於人。同妻小家人等拜神主，此是大家同認大家之罪，同求神主赦免，及保佑大家，同謝大家所共得之恩。又是教家內諸人敬神主，行善。且神主看一家如此行，其更加恩與之，故與全家拜大有益也。遠曰：請問與家人拜有何規矩？張曰：人齊到時，我就讀聖書幾節與大家聽，或讀白文，或先讀白文而後註解，或自己講解些。如此畢，我就與家人等詠聖詩幾節，然後大家跪。

下而我就祈禱也。遠曰：獨在祈禱呢？張曰：我凡有閒，不拘早晚，到靜處，或在園內，或在此樹下，或在那小房裡，而或走來走去，或坐下默想，又看聖書幾節，細省自己平生之事，再思量每日之行，又跪下祈禱，神主認我一人所有之罪，謝我已所受之恩，又求神賜恩助我去惡從善。且在靜處，因無人看聽，講故方便行此事，心更有安，思更不亂。又神主看人隱祈禱，其則大施恩寵與之，此獨在祈禱有益于人也。

張遠兩友相論

第九回

遠曰亦好，只怕像我貧窮做工的人，不得閑行這麼多事。對曰：此事是在心實，不在時久。每日二三刻亦彀看來，別人日日所用說閑話之時，比我日日所用拜神主之時又多。遠曰：如此是好，則必致財盛名揚，後人多，蓋鬼神無私也。張曰：此皆未必，且我拜神主，非因欲得財名，後乃因欲神主免我罪，潔我心，救我。



靈祐我身之意。一個人的心常畱滯于財名後之類者，似猪常喜居于坭塗中焉。何足全人之事哉。且富貴之屬，亦不歸鬼神所管，是歸天地之主宰神主所管。今世之福與善人在復活後所得之福，皆神主之賜也。遠曰：說到復活兩個字，則使我憶起先生昨次所施之教，今晚來意特求先生推解些。萬人復活後，不知還有如何請教。張曰：萬人復活，則先分爲二隊。從開闢天地以及天地盡，萬代萬國之善人，皆歸這

一隊又從闢天地以及天地盡萬代萬國之惡人皆  
歸那一隊然後有審判。遠曰審判如何。對曰是這二  
隊人被耶穌所審其各人生前的善惡又依各人之  
善惡審斷之。遵神主而行善者耶穌將定之得永福  
于天堂不遵神主而行惡者耶穌將定之受永禍于  
地獄。求相公細想此事。蓋汝我亦必被此公義之審  
判。汝欲在善隊乎。欲在惡隊乎。遠曰自然欲在善隊。  
只怕不能得如此。蓋我罪甚多我心甚痴頑自己

惡又四面周我有一惡世界內外有敵攻我所以致得成爲善是天下至難之事。張曰說得甚着但我人之罪雖多若真心求神主則其必因耶穌之功勞而救我我心雖痴愚如禽獸又硬頑如鐵鋼神主之聖神能感化之我內外之敵雖衆且詭且力神主之大能必助我勝之也。遠曰蒙教蒙教二人講至夜深蓋張自己心注于道理喜講之過於喜飲食又遠雖還不明曉亦覺得有點味道其心尙如黎明時半黑半



白但其愿明白如渴見水所以二人不疲倦也要別  
時遠曰此是靜處又夜已半人人皆睡不得見聞故  
我求先生在此替我祈禱神致我以後自更知該如  
何祈禱張曰好二人遂跪在梧桐樹下而張舉眼手  
向天祈云至上帝神主歟是見我二人在此我平生  
之念言行無一神主不明知萬惡爲神主至恨而必  
公義賞罰善惡我二人略知自己之罪惡過失又今  
認之于神主之前我們又覺得自心是惡的我罪人

實當受神主之公怒于地獄至永遠。我們在自己實  
在無善義、無功德、無心力，只得望向神主，求俯視我  
們。已聞耶穌曾來此世間，代人類贖罪，故懇求神  
主看耶穌而因其之名，赦我二人之罪，光我心，潔我  
思，助我今遵神主，改舊惡，常行善，守本分，又求神主  
到我二人死日，卽救我靈魂，且到大審判之日，祐我  
身靈，並得永福于天上。我心願如此也。祈禱畢，二人  
遂起身，施禮而別。

後月  
續講

張遠兩友相論

第十回

遠回家一路思張在祈禱所說之話，心下想道：此人奇怪得狠。我看他日日行好，又人人都說他是個善良，不多事之人，而他自己祈禱時，却說有罪，說心惡。又說該受天之怒等話，不知何故。第二會我定要問他。三日過後，遠於晚間赴張家裡去，欲聽他推說上晚所講之道理。到時張已出來，而坐在梧桐之下，見



遠來乃起身作揖而曰相公請了對曰有請二人遂坐張問曰相公有甚新聞答曰未有特來請教蓋人都稱先生爲好人我亦想先生有非常之德但那晚上同我祈禱時先生認了罪說自己心惡等語夫如我凡夫用這樣話是該的但先生這麼善的人用之不知何故定要請教張曰豈敢人只見外面不能見內面惟神主連內外都見得明白又且人見人與神見人大不同世人所最愛最讚之人及事屢次爲

神主所至惡。又世人所最惡之人及事。屢次反爲神主所至愛。故我自察時。不可照人所說及我們而自審也。我們日日之出入坐起動靜行止睡醒言思等。都神主所細察。而必見無數之罪在我諸事。不要說我就是古今大聖賢。若是神主嚴究及他們之罪過。則無一得算爲義。而况我乎。因而我不敢懷自義之心。只得在神主之前謝罪。求神因耶穌之功勞而赦免我也。遠追想良久。不再問及祈禱之事。乃曰。先生

那晚說審判後，萬善者升天堂，又萬惡者落地獄，請推講些與我聽。張曰：死後之事難解，因為在今世上無禍福，似死後之禍福。蓋世上之禍福並有限，不能常久。現在最有富貴快樂受用之人，不能多年如此；三寸氣一斷，皆休了。又最受貧窮饑寒艱難之人，亦不能多年如此。臨命終時，此等苦亦皆息了。惟講到死後之福，是存至永遠世世。蓋在天堂善人之身，不再病，不再弱，不再死，乃壯力爽快好看。又其之靈心



亦無懼無慮無憂無惡念在內無惡惑在外乃在神  
主之前極平安喜樂且智深德全福盛也今世所  
有諸難善者皆得脫出又今世心上不能度到之福  
皆必得享而俱存之至不盡于世世美哉美哉死後  
之福也勸賢兄細思之遠曰甚蒙甚蒙又煩先生略  
說死後之苦若何張曰古者曾云惡有惡報夫惡報  
不但在今世亦在來世蓋惡人在審判後身連靈並  
必落地獄而受無窮之苦其身體常受苦難之極而

至世世總無安。其靈魂亦常受懼怕、憂悶之極而至世世總無福。其今世所有之好處、必盡皆失。而至永遠不能再得之。其諸罪之罰、都必降落于之。其必同惡鬼相住、而永受神主之公怒、苦哉、苦哉、死後之難也。敢勸賢兄細思之。蓋落入那受惡報之所在者、至永遠不能再脫出。故當早求避之。又升到那得善報之所在者、亦不能再失去。故當早求得之。今彼可避、而此可得。惟若現在不轉心歸神主、則兩樣未必也。

張遠兩友相論

第十一回

夫張旣說畢天堂地獄之道，遠則告辭回家。當夜不能睡，乃出門至花園中，且走且坐，深想永福永禍四個字。心下道：今世之福不長久，不盛滿，且雖得而未必能彀幾日享，亦未必能彀傳之與子孫。憑子孫得之亦未必有大益于其身，反恐怕有害也。我曾求世福已久矣，而至今日尙未得，何故又要再求之？我一



向只以此身爲念，都未有思想我不死不滅之靈魂爲貴，真爲可惜也。遠乃舉目向天，心下又道：在此青蒼之上，在此各星宿之外，離日月甚遠，有滿福之所，神主之殿，萬聖萬善，都必至永相會在彼所，而常讚神主不息其身無難，其心無悶，無罪過，無害怕，其之德成全，其之福無窮，真真爲可愛之至矣。只怕我此大罪人，不得進那青蒼上之天堂，其是潔淨處，凡有罪染者，定不得住于彼，而我一身一心，都是罪惡了。

都是染汚了。如何得去此罪惡，如何得雪此染汚乎。我面手汚，我衣裳穢，則用水，用竈灰，用鹼，用人力，而可淨之。然我此心，此靈，那有能淨之之水，之竈灰，之鹼，之人力哉。遠又走來走去，如半生半死之人，心甚欲在死後得升天堂，而亦不知道如何則可。其又想道，若死後獨有福而無禍，則死易，而無用怕之。然又有那地獄，卽滿禍永苦之處，而未曾得赦罪之萬死者都在那裡，必受苦，受不盡于世世之禍，惜哉，惜哉。

哉。恐怕我不得免此苦。恐怕我無脫此禍之路。嗚呼。今世之苦不幾久就完。來世之苦乃世世不完矣。不完矣。我若不得罪之救。乃到氣散時。我此寶貝之靈魂。卽墜于那永禍之處。則比禽獸更不堪。馬牛生無罪。死無苦。而我一生却都是罪。而想到死亦怕難免。那苦罰。福哉。你飛于天空之鳥也。汝一死就歸土而完。苦禍。並不怕矣。福哉。汝喂于草野之畜獸也。汝一死亦就歸土而完。苦禍亦並不怕矣。福哉。汝游于洋



海中之鱗介也。汝一死亦歸土而完。苦禍亦並不怕矣。汝各類之肚飽則安。無記前非。無慮後禍。無良心之責。無落地獄之懼也。不像我此罪人。時時有過犯。而至死日必入永禍者。哀哉。哀哉。我若曾死于母胎中。豈不爲好。因何得長命。致罪惡日深。月增。年累乎。我若原爲石。爲木。爲禽。爲獸。則比我今有人之形。人之靈。而至死就必入那永不滅之火者。更好萬倍。我這幾年有何益于我。豈非只爲積累後禍而已乎。我

豈如此園內之菜之花。今無過。後無苦之好乎。一年受苦。人都以之爲難。十年。百年。千年。常受苦。而無一時一刻之安。甚爲可怕。然則千萬年之苦。雖可怕之至。而亦不算得無窮。無完。蓋那千年必有個末年。那萬年亦必有個末年。而那千萬年間所受之苦。亦必有末而盡之日。然永遠之世。世有誰能算之乎。其到何時而盡哉。到何時而至半哉。地獄之苦。到何世而減少乎。至何日而完畢乎。我此首上之髮。那山林樹

之葉甚衆，爲人類所難算，而亦不爲無盡。無限，蓋此  
首上之髮，那林樹之葉，雖多，而其數亦有限，不說得  
無盡。惟獨永遠之世代，月年之數，真爲無限，無量，正  
如戒指，無首，無尾，轉來轉去，總不見其盡頭也。遠終  
夜如此思想，不知不覺，而天就曉，周圍山頂，樹杪，屋  
背，漸顯。不久而太陽初臨，霞光布護，向西山高頂射  
出輝耀，散開黃金，真爲可愛，可美矣。然遠之心不安，  
故不以此爲悅。蓋其怕天堂不能得，地獄不能脫，所



以心下又道此大美何與我哉。不數年而我目必不  
再見光亮。我此得罪天之人一死。卽落那苦獄。那永  
黑無光之所。嗚呼。我果不如未生者矣。遠怕人知覺  
其終夜在園內之事故。回屋洗臉換衣。去做工夫。且  
自勉強飲食如常。但手雖勤攻而亦不想所行。且雖  
飲食而亦不知其味。且行工且歎惜。想到晚上必到  
張之家去說他知其心事。

後月  
接續

張遠兩友相論

第十二回

夫遠到時，張纔畢晚飯，遠坐，張乃將他一看，見他面有悶色，乃問曰：相公金體與府上都平安麼？對曰：托福，只我一人，心內不安。張曰：有何不安？遠乃以昨夜園內之心事說他知，且又泣如雨下。張慰之說道：請相公放心，勿怕。我看汝園內之心事，真爲佳日之初曉，如刺瘡，必先有痛，膿血出，則瘡始醫。夫真願永福。

而不能得之者，未之有也。真懼永禍而不能獲脫之者，亦未之有也。蓋神已定一大路，要萬人從之，致可避逃永禍，又可進前向永福。夫凡真願永福，真懼永禍者，無一不喜從此路，不肯從此路者，則其之願懼，並非真也。遠曰：我今如盲者，黑中摸索尋道，而不遇之，求先生指教。張問曰：相公以爲此心事，由何緣而出？遠對曰：我看都是因想我罪惡之爲多，我此小可微物，曾多得罪神天。神天至義至公，我此罪人實



該受神天之大怒。我又怕神天不言免我罪。又有一件。倘若神天今日赦我。照顧我。則我以後自然該當行善。然而我覺得在此胸中。有個惡心。不能免之。不發。我恐怕不久而我之罪。又加一倍。張曰。相公。向日有此樣的思念否。遠曰。都未有。遂將手指着張之狗子。而又說道。我一向都如此。隻狗子一般。肚飽。身煖。就安。天之大道。又永福。永禍。與自己靈魂等。我總不以之爲念。因近來蒙先生之教。纔略悟。向日我常常想

我一人如他人一樣善，且比隣舍之大半還更善些。蓋那時我心下以爲我此人有甚麼大惡，不曾殺人，不曾偷人之物，不曾欠人之錢，不曾燒人之屋，又也我不曾不孝兩親，我亡父母並已安樂下土，且我不曾溺女，亦不曾作亂，煩惱于村中。人人都說我是善良的人。我向來有這般樣的思念，而現今我卻看自己之惡，爲過於周圍諸隣舍人之惡，且我所有行幾件善事，今不以之爲善，蓋行之之時，我心意屢

次不正。在普天下萬國人中，若有該當受那永禍之  
一人，我就是其人。不知道我向日之思念，比今日之  
思念，爲何如此大不同。張曰：向日心暗，今日心略明，  
是此故耳。比如夜間走于黑暗中之人，其身若有污  
穢，其自不知覺，等待天曉時，那穢污之處就始露，而  
日越光，其穢越露，而相公亦然。非因汝今有多罪而  
向無罪，乃是因汝今知自罪，向不知之就是了。我世  
人自少時，都有罪，而知己罪者甚少。我恐怕多有人



平生不知自己之罪，待其死時，靈魂卽落地獄受苦，方知其罪，但此是遲了。那時要求赦，不能得赦。要求得出其永禍之所，不能得出。要求得到天堂，不能得到。今汝略知覺自罪甚爲幸，蓋只生前有救，死後則無救也。張未講畢，忽有個隣人姓東名知，有點事來求見者。張對遠道：今有個朋友來，要同我說話，求汝進我屋左邊的小房坐下，看書，我就回來。遠乃走前，入小房而坐，細想張之言，而心又更不安，想道：生前

可有救。死後則無救。但我此生命不定的。或明日死。亦未可知。且我今晚若不得罪之赦。至明日則不知如何。此關係甚爲重矣。不久張進來道。古人云。君子以書爲友。以靜爲財也。相公有何妙思。對曰。我無妙思。只鄙陋之思而已。我心實不安。我罪爲重擔。就是泰山亦不比此之重。先生若知去罪之道。則求指教。張見其心如此急迫。乃自書架上取下一部八本書。名曰新遺詔書。而說道。我頗頗看過古文。時文。經書。

平生不知自己之罪，待其死時，靈魂卽落地獄受苦，方知其罪，但此是遲了。那時要求赦，不能得赦。要求得出其永禍之所，不能得出。要求得到天堂，不能得到。今汝略知覺自罪甚爲幸，蓋只生前有救，死後則無救也。張未講畢，忽有個隣人姓東名知，有點事來求見者。張對遠道：「今有個朋友來，要同我說話，求汝進我屋左邊的小房坐下，看書，我就回來。」遠乃走前入小房而坐，細想張之言，而心又更不安，想道：「生前



可有救、死後則無救。但我此生命不定的、或明日死、亦未可知。且我今晚若不得罪之赦、至明日則不知如何、此關係甚爲重矣。不久張進來道、古人云、君子以書爲友、以靜爲財也。相公有何妙思、對曰、我無妙思、只鄙陋之思而已。我心實不安、我罪爲重擔、就是泰山亦不比此之重。先生若知去罪之道、則求指教。張見其心如此急迫、乃自書架上取下一部八本書、名曰新遺詔書、而說道、我頗頗看過古文、時文、經書、

見若翰福  
音書第三  
章十六節

子史綱鑑等書而雖多有好在其內然自首至尾未  
有明說去罪救靈魂之道除此一部書外我未曾見  
何書能明講此兩件在這書之第四本有幾句求相  
公細看之遠取書看書云神愛此世致賜已獨子使  
凡信之者不致沉忘乃得常生也遠曰我不大明白  
煩先生解之張曰我不知相公在那一處有不明求  
汝說出來我雖不才亦當遵命遠遂問曰神字是鬼  
神之神還是怎麼說對曰不指鬼神乃指造成天地

萬物之神主也。遠曰：世字，是世代之世否？對曰：這裡不講世代，乃言世間之人也。愛字，汝知其意否？遠曰：是親愛之意嗎？對曰：略不同，是恤憐之意。言神天大發其恤憐與世間之人也。問曰：怎麼樣發其恤憐呢？張曰：底下之字語，是其解。卽所云：致賜其獨子。遠曰：其獨子何解？對曰：其神主也。獨子，神主之子。耶穌，就是我前幾日同汝說的救世者也。遠乃恍然有記，又說道：致字呢？對曰：致者，至極也。言神主所發之此恤



憐真爲無限無量在天在地在人間總無可比。遠曰：贖字是神主賜好與其子麼？張曰：不是，不是，這賜字言神天大施其無限之恩與世上人，而賜其子耶穌降地受難受苦死。遠曰：爲何死？曰：其欲代我人類贖罪而使萬人中凡信從之者不致死後沉淪于地獄，乃得永福于天上。此其受難之意。遠曰：我之罪太過重，恐怕神天不肯赦我，又不肯賜我得此永福。遠曰：汝要依靠救世者勿疑，勿違神天之令。則必得救也。終

DATE: 10/10/1911

TO: (10/10/1911)

FROM: (10/10/1911)

SUBJECT: (10/10/1911)

RE: (10/10/1911)

(10/10/1911)

10/10/1911

Title: 張遠兩友相論 Chang Yüan liang yu  
hsiang lun (A Dialogue between two friends,  
Chang and Yüan)

Place: Hong Kong?

Publisher: Ying Hua Shu Yüan.

Date: 1831.

1 v. (42 double leaves)

Text: in Chinese.





PL 2702  
.C45

